

寒山寺志

吳縣吳蔭培題

寒山寺志卷三

賜進士出身翰林院侍講國史館提調會典館幫總纂甘肅學政臣葉昌熾

志詩

唐賢首唱作者如林錄張繼詩於篇首先經起義之例也宋以後詩若其中有事在傳其詩卽以傳其事隨文綴錄難可離析又計敏夫唐詩紀事之例也至於汎詠皋壤流連景光別爲一篇畢登簡末庶後之覽者有感於斯文志詩第十

宋程師孟游楓橋偶成

晚泊橋邊寺迎風坐一軒好山平隔岸流水漫過門朱舫朝天路青林近郭村主人頭似雪怪我到多番

吳郡志題據吳郡志吳郡文粹補

胡埕

朝辭海湧千人石暮宿楓橋半夜鐘明日館娃宮裏去洞庭

呼起一帆風

吳郡志

按胡埕郡志無傳吳都文粹作胡理又錄其滄浪詠一

首

郭附

師子山雲漠漠越來溪水悠悠鐘到客船未曉月和漁火俱

愁咫尺橫塘古塔連綿芳草長洲一老翛然自在時時來繫

扁舟

吳郡志

按盧熊蘇州府志郭附字明仲嘉祐八年進士熙甯中

以大理寺丞權知崑山縣官至朝奉大夫致仕幅巾策

杖窮山林詩酒之適東南高士皆樂與之游卒年八十

四

范成大楓橋

長洲縣志引
楓上有經字

朱門白壁枕灣流桃李無言滿屋頭牆上浮圖路旁堠送人

南北管離愁

范石湖
詩集

又閨門初泛二十四韻

并序

新修小舫因病禳祓屯滯遂至北城池邇到楓橋一路而
還

好在馳煙路平生載酒行摧藏身久病契闊歲頻更昨夜燈
光曉今朝稻把晴出門新夢境觸目舊詩情水滿推篷眩天
寬倚柁驚轉灣添緯挽罨岸併篙撐舫後裝兒女艫前酌弟

兄醅香新麴嫩茗味小春輕紅皺分霜果黃薦撚夕英纈林
疏露屋朱閣靜臨城桃塢論今昔楓橋管送迎山腰樵擔動
木末酒旗明竟日窑煙直中流塔影橫數帆殘照滿一笛暮
江平曬網楓邊桁牽罾柳際棚岫雲縈石住田水穴隄鳴過
渡牛歸速穿籬犬吠獐魚寒猶作陳雁遠更聞聲急艣潮痕
出疏鐘暝色生鄰翁欣問訊逋客愧寒盟一昨成歸卧於今
負耦耕生涯都塌颯心曲漫崢嶸猿鶴休多怨菰蓴尚可羹
藥囊吾厭苦扶憊且班荆

同上

陸游宿楓橋

七年不到楓橋寺客枕依然半夜鐘風月未須輕感慨巴山

此去尙千重

陸劍南集

薛季宣吳江放船至楓橋灣

短篷負長虹破簾挂明月風馬座中生天幕

長洲縣志引作暮

波中

出高城多隱映遠岫攬羅列小小泛吳江始識仙凡別

浪語集

釋英重到楓橋

晚泊楓橋市冥搜憶舊游月明天不夜江冷水先秋岸曲依

漁艇林低出戍樓堪嗟名與利白了幾人頭

白雲集

按釋英字實存宋末錢唐詩僧著有白雲集此詩長洲

縣志題張羽作當從靜居集錄出其題祇泊楓橋三字

亦與英集不同按四庫提要稱贈趙孟若七律一首

亦兩集重出斷爲靜居集誤收觀此篇憶舊游句作重

到爲是白雲詩傳本甚妙豈靜居一集猶蘇過之於龍

洲耶

元顧仲瑛泊閶門

楓葉蘆花暗畫船銀箏斷絕十三絃西風只在寒山寺長送

鐘聲攪客眠

玉山草堂集

明張元凱楓橋與送者別

楓橋秋水綠無涯楓葉滿樹紅於花萬里之行纔十里閶閭城頭尙堪指游子尊前淚溼衣離心已逐片帆飛酒酣忘卻

身爲客意欲元同送者歸

長洲縣志

高啟泊楓橋

畫橋三百映江城詩裏楓橋獨有名幾度經過憶張繼烏啼

月落又鐘聲

又楓橋送丁鳳

紅葉寺前橋停君晚去
撓醉應忘世難歸不計程
遙山隱初沈日風吹欲上
潮離魂來此處還似灞陵銷

又歸吳至楓橋

原注舊有塔今廢

遙看城郭尙疑非不見青山舊塔微
官秩加身應謬得鄉音到耳是真歸
夕陽寺掩曉烏在秋水橋空乳鴨飛
寄語里閭休復羨錦衣今已作荷衣

又將赴金陵始出閶門夜泊二首

烏曉霜月夜寥寥回首離城尙未遙
正是思家起頭夜遠鐘孤棹宿楓橋

煙月籠沙客未眠歌聲燈火酒家前
如何纔出閶門宿已似

秦淮夜泊船

又東歸至楓橋

故人當日送登畿此地停舟醉落暉慙愧臨河舊攀柳尙留
青眼看人歸

又閶門舟中逢白範

十載長嗟故舊分半歸黃土半青雲扁舟此日楓橋畔一褐

秋風忽見君

以上七首皆
據高青邱集

謝晉楓橋歌送吳秀才之金陵

君不見楓橋水奔流直下太湖來環繞闔閭城西地其閒風
土何佳哉層樓疊榭侵雲起望處人家半臨水水邊歌舞不
勝春橋下帆檣停似蟻復有大道接金陵送客每來橋上行

山寺鐘鳴知夜半漁村月落見燈明今朝卻餞吳公子解我
金貂酤綠醕帆挂長洲苑外煙衣沾虎阜山頭雨暮煙秋雨
益淒其別緒離情無限期昔時應是今時景今人還誦昔人
詩見說長干花似綺君歸更莫思鄉里

又移家將之金陵宿楓橋

山寺煙初暝江村月又生辭家無十里不寐到三更犬逐漁
鐙吠鐘催客棹行從茲去鄉土甯得是吳氓

又過楓橋留別城西諸友

煩君遠餞意偏饒念我離羣乍寂寥祖帳雨催詩欲就郵亭
風勁酒頻澆舟移射瀆黃昏近路轉江村碧樹遙記取今宵
分手處烏嘯時節過楓橋

上三首謝孔昭蘭庭集

徐源翌日攜酒餞太傅於楓橋辱留題於蘭臺清鑒之舟次

韻

按瓜涇集此詩之前有郡守林思紹邀陪太傅屠朝宗餞於石湖一首太傅卽朝宗

寒山鐘盡便開船來往楓橋共幾年黃敕到門須就國玄纁
沐手敢辭天官高勛爵還加舊老去精神覺倍前到日坐朝
先問道五雲宮闕鳳池邊

瓜涇集

沈周和嘉本初夜泊楓橋

風流張繼憶當年一夜留題百世傳橋帶人家斜倚寺月籠

沙水澹生煙火知漁子仍村外舟載詩僧又客邊我愧不能

同此宿卻因新韻偶聯篇

沈石田稿據王迺昭鈔本

皇甫汈題沈周八景圖

楓橋一首

橋橫古渡帶平沙楓落寒山日影斜舟女莫言估客樂鐘聲

將夢到天涯

皇甫司勳集

文元發歸過楓橋

輕雲駁日江村暮西風短棹寒山路去時柳色綠含煙歸來

楓老紅棲樹

蘭雪齋詩選

文肇祉泊楓橋用大父韻

辭親遠別動離情滿幅風帆帶雨行水長關河無阻道春深

柳陌尙聞鶯輕拋故國三千里細數遐征第一程此夜維舟

不成寐寒山依舊起鐘聲

文錄事詩

郭諫臣晚過楓橋

落日楓橋路船窗暮雨昏秋蘋擁沙背霜葉墜籬根山寺炊

煙起江村宿鳥喧臨風思往事獨坐暗銷魂

鯤溟先生集

國朝朱彝尊楓橋夜泊

初月開平林繁星羅遠戍驚禽沙上鳴漁子夜深語遙聞歌

吹聲暗入楓橋去

曝書亭集

徐崧楓橋獨步有感

石橋高帶驛樓平擾擾南征與北征賈客帆檣連樹影庵僧
鐘鼓和經聲天邊雲冷斜陽澹雪後江深急水清放曠一身
何所繫劇憐八口累閒情

又歲暮阻雨楓江懷友人

乍寒乍煖客招提一夜懷人笠澤西窗外雲昏滋礎潤空中
陰暗壓燈低田家薄暮牛纔放竹院侵晨鳥亂啼幾度相尋
多不遇白頭煙水兩淒淒

董靈預楓橋夜泊

落日一尊酒風塵此地看嘯歌今夜月燈火萬家寒珠樹何
年古楓林幾處丹故鄉憑夢繞峰影碧嶺岼

殷麗丹陽賀魯縫訪予楓江不值悵然有作

去年江上逢君別柳絮飛殘二月天今日橋邊尋我去麥秋
寒泛一谿煙餘生買藥因投市旅泊攜詩偶放船共醉狂吟
應不惜歸來採取杖頭錢

上四首百
城煙水

沈文慤楓江夜泊

二首

野宿隨寒雁辭家第一宵星星漁火亂知是泊楓橋

柝響已深更鄰舟人語歇不忍便安眠貪看散山月

歸愚
詩鈔

吳蔚光楓橋舟夜

暝色綠爲煙染我東塘路斜月浸迴波繁星挂疏樹燈光明

欲飛鶻聲細如語滅燭聞春鐘清夢落何所

素脩堂集

李繩楓橋夜泊

字勉百長洲舉人有葑田剡東諸集

又復怱怱賦遠征烏啼霜月若爲情寺鐘漁火楓橋泊已是

思家第一程

吳琦月夜石湖至楓橋

字赤玉杭州仁和人諸生有圭齋稿

上方山下路一泛石湖船秋月清如此吾心自冷然荻花繁

客棹漁火亂江煙此夕楓橋泊吟鐙中酒眠

上二首王西莊江浙十二家詩

選

馬元勳楓橋

秋氣入淒清江楓照眼明寒霜侵月色殘夢落鐘聲水閣吳

孃曲風檣估客程災傷連數郡米價幾時平

自注橋邊有米市

王昭嗣楓江夜泊

字誕敷號篋谷長洲諸生有蔭茅居詩稿

古寺江村無十里楓葉紛紛亂紅紫一杵霜鐘度水來磔磔

驚鴻拍波起此夜城西抱影眠煙波蕭瑟五湖船何人共話

孤篷下消遣鄉愁暮雨天

上二首吳枚庵懷舊續集

陳杰夜泊楓橋

字漢賢長洲人有虹橋詩鈔

繫纜楓江畔蒼茫月上餘微霜冬樹白殘夜水村虛禦冷圍

爐火安眠枕篋書寒山鐘乍動風景憶當初

吳枚庵印須集

褚逢椿楓江看山

吳山有媚骨非春亦如笑想像桃李時更復足詩料我來正殘雪佳景供遠眺平陂斷岸閒時時見垂釣畫意冷詩心會

心契微妙蘊藉釀和平取神不求肖悅性理塵襟且當事長
嘯暫得亦快然旨言王逸少伫久聞暮鐘空林下斜照

又楓江卽目

沿隄一半是衰楊漁網人家秋水光禾黍田疇閒倚棹亂山

斜日似橫塘

上二首行
素齋詩集

王元文由石湖抵楓橋卽事

字畢曾吳江人此詩見北
溪旅橐第一種往來集

驟雨楓橋路西風颯沓旋須臾霽景見倍覺夕陽鮮米市希

高價商人畏有年寺鐘晷暮動曾到幾家船

北溪
詩集

袁翼楓橋夜泊

字穀廉寶山人
歷官江西知縣

分明記得楓橋上十一年前聽晚鐘熱客幾時拋襪襪空門

無地養疏慵烏嘒月落句仍在拾得寒山僧不逢隔岸義魚